

[Bl. 27a] Das sind Hanns Seylers bekentnisse:

Zum irstin had her bekand, daz Hans Lyndecht, Michil Kolbe sien knecht, Zychsske und Dirsche, Friderich Langin knechte, dy kunde er mit namen nicht genennen, und Gross Hanczko, itzund uff dem Birgkensteyn¹⁾, ist auch mete gewest, da man dy von Gorlicz und Hans Keseling, unsern mitburger, in dem Kessil²⁾ irnedir gelegit und daz ire genomen und ist auch mit en gewest. — Item Jostschin waz heuptman im felde, da der nam³⁾ geschach. — Item Petir Richter zu Hermanstorff⁴⁾, Matis Zneyder, seyn knecht, Husch, Habele, dy sint alle mete gewest uff dem obgeschriben rete im Kessil. — Item Hanczko, heuptmann zum Schawinsteyn⁵⁾, had Hansso Seyler eyn phert gelegen⁶⁾ zu dem rete. — Item Thalar, Gyndirsich, Palplode, Zwarcze Friderich, heuptman uff dem Burgkenstein¹⁾, mit andern iren helffern, dy er nicht genennen kunde, dy haben daz fihe und schoffe genomen umbe Godaw⁷⁾ und das Forstscheyn⁸⁾ genomen, daz man en eynsteyls wedir abedrang, und habin daz zu der Hoen Leype⁹⁾ uff dy nacht zu getrebin und habin da obir nacht gelegin. — Item auch habin sy nyrne¹⁰⁾ ander behaussunge, wenne zur Sebenicz, wenne sy in das land ader wedir heym rietin. — Item so hat er bekant, das er selbir Thomisse Somirfelt 3 pferde genomen. — Item so hat er zwu kuwe in der mol nedewenig¹¹⁾ Stragkewicz¹²⁾ genomen. — *[Bl. 27b]* Item so had er bekand, er hette Balthazar Talheym gefangen by der Spree, der hette im dy zwu kue ussgericht. — Item alz Friderich Lange mit synen knechtin zu Nawinkiche¹³⁾ dy pfarre irfilin¹⁴⁾, so ist her mete gewest mit Langehansse, Sugkol (?) und Beyer, dy andern werin von Behemen gewest, der kente er nicht. — Item so had her bekant, daz her mit Langehanse 2 kuwe zu Weysin Nawsedelicz¹⁵⁾ genomen had.

1) Der Bürgstein oder Einsiedlerstein bei Haida in Böhmen; Gross Hanczko ist der schon erwähnte Hannschko, eyn Beheme von Swoyko S. 16. 17. 19. Schwoika liegt 35 Minuten von Bürgstein entfernt.

2) Vielleicht Kessl bei Oschitz.

3) Der Raub.

4) Hermsdorf, aber welches?

5) Burg bei Hohenleipa.

6) Geliehen.

7) Göda, westlich von Bautzen.

8) Förstchen, südöstlich von Göda.

9) Hohenleipa.

10) Nirgend.

11) Niederwärts, unterhalb von.

12) Wo gelegen?

13) Wohl Neukirch bei Bischofswerda.

14) Ueberfielen.

15) Weissnausslitz, südwestlich von Bautzen.